



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè ægras & captivas ...

Lohner, Tobias

Dilingæ, 1680

§. 17. Variæ preces apud ægros & moribundos dicendæ.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

& se ad ignem ramusculis juniperi excitatum purgare, faciem aceto aquâ mixto lavare, auram liberam captare; quâ re & sibi, & aliis consulat. Si necessitas non urgeat, expedit idem confessionale non repetere, donec populo dilapso sedes per ignem vel asperionem aut lotionem aquæ ex rutha purgetur. Quartadecima. Persona, quam constar esse infectam, moneatur, ut vel domum suam Confessarium vocet, vel eo tempore veniat, quo homines non sunt in templo, tunc enim extra confessionale eam audire posset in tanta distantia, quæ moraliter careret periculo. Quintadecima. Denique peste cessante, & se per divinam gratiam servato, gratias DEO debitas persolvat, eiq; humili animo omnia, quæ egit, accepta referat, sêque ad posteriores casus præparet, offerâtque.

§. XVII.

Varia preces apud ægros & moribundos dicenda.

Cum, ut supra monui, inter præcipua media, quibus ad solatium & auxilium Infirmorum & Moribundorum uti potest Operarius, meritò crebra & devota oratio censeatur, & ea maximè, quæ in Ritualibus ab Ecclesia præscribitur; talia autem Ritualia ad manus semper non haberi commodè queant, ideo rogatus ab aliquibus, ut eas libello huic infererem, ad calcem illius apponere commodissimum est visum.

M E M B R U M I.

Preces ab Operario, priusquam ab Infirmo discedat, recitanda.

Quando discedere vult Operarius ab Infirmo unum ex Psalmis Quatuor prioribus Pœnitentialibus, vel Psalmum 90. Qui habitat &c. supra Infirmum dicere poterit, eique sequentes juxta Rituale Romanum subjungere.

Kyrie eleison. Christe eleison. Kyrie eleison. Pater noster, &c. *ψ.* Et ne nos inducas in tentationem. *℞.* Sed libera nos à malo. *ψ.* Salvum fac servum tuum. *℞.* Deus meus sperantem in te. *ψ.* Mitte ei Domine auxilium de Sancto. *℞.* Et de Sion tueri eum. *ψ.* Nihil proficiat inimicus in eo. *℞.* Et filius

V s

ini-

iniquitatis non apponat nocere ei. *ψ.* Esto ei Domine turris fortitudinis. *℞.* Super lectum dolorem ejus. *ψ.* Domine exaudi orationem meam. *℞.* clamor meus ad te veniat. *ψ.* Dominus vobiscum. *℞.* Et cum spiritu tuo.

Oremus.

DEUS, cui proprium est misereri semper, & precere: suscipe deprecationem nostram: ut & hunc famulum tuum, quos delictorum cunctis constringit, miseratione tuæ pietatis clementer solvat.

Deus infirmitatis humanæ singulare præsidium auxilij tui super infirmum famulum tuum ostendit virtutem, ut ope misericordiæ tuæ adjutus, Ecclesiæ tuæ sanctæ incolumis representari mereatur.

Concede hunc famulum tuum, quæsumus Domine Deus, perpetua mentis & corporis sanitate gaudere; & gloriosa beatæ Mariæ semper virginis intercessione, à præsentis liberari tristitia, & æternæ perfrui lætitia. Per Christum Dominum nostrum. *℞.* Amen.

Benedictio Dei omnipotentis, Patris *†*, & Filij, & Spiritus sancti, descendat super te, & maneat super te. *℞.* Amen.

M E M B R U M II.

Psalmi & Evangelia cum Precibus pro temporis opportunitate & ægrotantium pio desiderio Operarii que arbitrio dicenda.

Psalmus 6.

Domine ne in furore tuo arguas me, &c. in Gloria Patri. Sicut erat. *ut sup. fol. 84.* Dominus vobiscum. *℞.* Et cum spiritu tuo. *ψ.* Sequitur

sancti Evangelij secundum Matthæum. *R.* Gloria tibi Domine.

Dum Sacerdos dicit: Sequentia sancti, &c. faciat signum Crucis de more super se in fronte, ore, & in pectore, similiter super infirmum, si fuerit masculus, & is ob infirmitatem non potest se signare.

Si autem fuerit femina, dum Sacerdos se signat, illa per semetipsam in locis pradiſtis se signet, si potest; si vero non potest, alia mulier eam signet, & hoc idem in sequentibus Evangelijis servetur.

Matth. 8.

IN illo tempore: Cùm introisset JESUS Capharnaum, accessit ad eum Centurio rogans eum, & dicens: Domine, puer meus jacet in domo paralyticus, & malè torquetur. Et ait illi JESUS: Ego veniam, & curabo eum. Et respondens Centurio ait: Domine non sum dignus, ut intres sub tectum meum, sed tantum dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic: Vade, & vadit; & alij, Veni, & venit; & servo meo: Fac hoc, & facit. Audiens autem JESUS miratus est, & sequentibus se dixit: Amen dico vobis, non inveni tantam fidem in Israël. Dico autem vobis, quod multi ab Oriente & Occidente venient, & recumbent cum Abraham, & Isaac, & Jacob in regno celorum: filij autem regni ejicientur in tenebras exteriores: ibi erit fletus, & stridor dentium. Et dixit JESUS Centurioni: Vade, & sicut credidisti, fiat tibi. Et sanatus est puer in illa hora.

Oremus.

OMnipotens sempiterne Deus, salus æterna credentium, exaudi nos pro infirmo famulo tuo

R. pro

N. pro quo misericordiae tuae imploramus auxilium
ut reddita sibi sanitate, gratiarum tibi in Ecclesia tu
referat actiones, Per Christum Dominum nostrum
Amen.

Psalmus 118.

Conserva me Domine, quoniam speravi in te
dixi Domino, Deus meus es tu, quoniam bono
rum meorum non eges.

Sanctis, qui sunt in terra ejus: mirificavit omnes
voluntates meas in eis.

Multiplicatae sunt infirmitates eorum postea
celeraverunt.

Non congregabo conventicula eorum de sangui-
nibus: nec memor ero nominum eorum per labia
mea.

Dominus pars hereditatis meae, & calicis mei: tu
es, qui restitues hereditatem meam mihi.

Funes ceciderunt mihi in praeclaris: etenim heredi-
tatis mea praeclara est mihi.

Benedicam Dominum, qui tribuit mihi intelli-
gentiam: insuper & usque ad noctem increpaverunt
renes mei.

Providebam Dominum in conspectu meo semper:
quoniam a dextris est mihi, ne commovear.

Propter hoc latatum est cor meum, & exultavi
lingua mea: insuper & caro mea requiescet in spe.

Quoniam non derelinques animam meam in
inferno: nec dabis sanctum tuum videre corruptionem.

Notas mihi fecisti vias vitae, adimplebis me laetitia
cum vultu tuo: delectationes in dextera tua
que in finem.

Gloria Patri. Sicut erat &c.

✠. Dominus vobiscum. R. Et cum spiritu tuo.
✠. Sequentia sancti Evangelij secundum Marcum.
R. Gloria tibi Domine.

Marc. 16.

In illo tempore: Recumbentibus undecim discipulis, apparuit illis JESUS, & exprobatit incredulitatem eorum, & duritiam cordis, quia his, qui viderant eum resurrexisse, non crediderunt. Et dixit eis: Euntes in mundum universum, prædicate Evangelium omni creaturæ. Qui crediderit, & baptizatus fuerit, salvus erit: qui verò non crediderit, condemnabitur. Signa autem eos, qui crediderint, hæc sequentur. In nomine meo dæmonia ejicient: linguis loquentur novis: serpentes tollent; & si mortiferum quid biberint, non eis nocebit. Super ægros manus imponent, & bene habebunt.

Oremus. Oratio.

Virtutum cælestium Deus, qui ab humanis corporibus omnem languorem, & omnem infirmitatem præcepti tui potestate depellis: adesto propitius huic famulo tuo *N.* ut fugatis infirmitatibus, & viribus receptis, nomen sanctum tuum, instaurata protinus sanitate, benedicat. Per Christum Dominum nostrum. R. Amen.

Psalmus 19.

Exaudiat te Dominus in die tribulationis: protegat te nomen Dei Jacob.

Mittat tibi auxilium de Sancto: & de Sion tueatur te.

Memor sit omnis sacrificij tui: & holocaustum tuum pingue fiat.

Tribuat tibi secundum cor tuum, & omne consilium tuum confirmet.

Letia.

Lætabimur in salutari tuo : & in nomine Domini nostri magnificabimur.

Impleat Dominus omnes petitiones tuas : nos cognovi quoniam saluum fecit Dominus Christum suum.

Exaudiet illum de cælo sancto suo : in potentibus salus dexteræ ejus.

Hi in curribus, & hi in equis : nos autem in nomine Domini Dei nostri invocabimus.

Ipsi obligati sunt, & ceciderunt : nos autem sumus, & erecti sumus.

Domine saluum fac regem : & exaudi nos in qua invocaverimus te. Gloria Patri.

℣. Dominus vobiscum. ℞. Et cum spiritu tuo.

℣. Sequentia sancti Evangelij secundum Lucam.

℞. Gloria tibi Domine.

Luc. 4.

IN illo tempore : Surgens JESUS de synagoga introvit in domum Simonis. Socrus autem Simonis tenebatur magnis febribus : & rogaverunt illum pro ea. Et stans super illam imperavit febrim, & dimisit illam, & continuo surgens ministrabat illis. Cum autem sol occidisset, omnes, qui habebant infirmos variis languoribus, ducebant illos ad JESUM. At ille singulis manus imponens, curabat eos.

Oremus. Oratio,

Domine sancte, Pater omnipotens, æterne Deus, qui fragilitatem humanæ conditionis, infirmitatis tuæ dignatione, confirmas, ut salutaribus remediis pietatis tuæ corpora nostra & mentes vegetentur : super hunc famulum tuum propitius intende ; ut omni necessitate corporeæ infirmitatis ex liberetur, & gratia

sa, gratia in eo pristinae sanitatis perfecte reparetur.
Per Christum Dominum nostrum. R. Amen.

Psalmus 85.

Inclina Domine aurem tuam, & exaudi me: quoniam inops & pauper sum ego.

Custodi animam meam, quoniam sanctus sum: saluum fac servum tuum, Deus meus, sperantem in te.

Miserere mei Domine, quoniam ad te clamavi tota die, lætifica animam servi tui, quoniam ad te Domine animam meam levavi.

Quoniam tu Domine suavis & mitis: & multae misericordiae omnibus invocantibus te.

Auribus percipe Domine orationem meam: & intende voci deprecationis meae.

In die tribulationis meae clamavi ad te: quia exaudisti me.

Non est similis tui in diis Domine: & non est secundum opera tua.

Omnes gentes, quascumque fecisti, venient, & adorabunt coram te Domine: & glorificabunt nomen tuum.

Quoniam magnus es tu, & faciens mirabilia: tu es Deus solus.

Deduc me Domine in via tua, & ingrediar in veritate tua: lætetur cor meum, ut timeat nomen tuum.

Confitebor tibi Domine Deus meus in toto corde meo: & glorificabo nomen tuum in æternum.

Quia misericordia tua magna est super me: & eruiisti animam meam ex inferno inferiori.

Deus iniqui insurrexerunt super me, & synagoga potentium quæsierunt animam meam: & non proposuerunt te in conspectu tuo.

Et

Et tu Domine Deus miserator, & misericors: patiens, & multæ misericordiæ, & verax.

Respice in me, & miserere mei: da imperium tuum puero tuo, & saluum fac filium ancillæ tuæ.

Fac mecum signum in bonum, ut videant, qui derunt me, & confundantur: quoniam tu Domine adiuuisti me, & consolatus es me.

Gloria Patri. Sicut erat.

℣. Dominus vobiscum. ℟. Et cum spiritu tuo.

℣. Sequentia sancti Evangelij secundum Joannem.

℟. Gloria tibi Domine.

Ioan. 5.

IN illo tempore: Erat dies festus Judæorum. Ascendit JESUS Jerosolymam. Est autem Jerosolymis probatica piscina, quæ cognominatur Hebraicè Bethesda, quinque porticus habens. In ea jacebat multitudo magna languentium, cecorum, claudorum, aridorum expectantium aquæ motus. Angelus autem Domini descendebat secundum tempus in piscinam, & movebatur aqua. Et qui prior descendisset in piscinam post motionem aquæ, sanus fiebat à quacumque detinebatur infirmitas. Erat autem quidam homo ibi triginta & octo annos habens in infirmitate sua. Hunc cum vidisset JESUS jacentem, & cognovisset, quia multum tempus haberet, dicit ei: Vis sanus fieri? Respondit ei languidus: Domine, hominem non habeo, ut cum turbata fuerit aqua, mittat me in piscinam: dum venio enim ego, alius ante me descendit. Dicit ei JESUS: Surge, tolle grabatum tuum, & ambula. Et statim sanus factus est homo ille, & sustulit grabatum suum, & ambulabat. Erat autem sabbatum.

in die illo. Dicebant ergo Judæi illi qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum, & ambula. Interrogaverunt ergo eum. Quis est ille homo, qui dixit tibi: Tolle grabatum tuum, & ambula? Is autem, qui sanus fuerat effectus, nesciebat quis esset. JESUS autem declinavit à turba constituta in loco. Postea invenit eum JESUS in templo, & dixit illi: Ecce sanus factus es: jam noli peccare, ne deterius tibi aliquid contingat.

Oremus.

Respice Domine famulum tuum in infirmitate sui corporis laborantem, & animam refove, quam creâsti, ut castigationibus emendatus, continuo se sentiat tua medicina salvatum. Per Christum Dominum nostrum. R. Amen.

Psalmus 90.

Qui habitat in adjutorio Altissimi: in protectione Dei cæli commorabitur.

Dicet Domino, Susceptor meus es tu, & refugium meum: Deus meus, sperabo in eum.

Quoniam ipse liberavit me de laqueo venantium: & à verbo aspero.

Scapulis suis obumbrabit tibi: & sub pennis ejus sperabis.

Scuto circumdabit te veritas ejus: non timebis à timore nocturno.

A sagitta volante in die, à negotio perambulante in tenebris: ab incursu, & dæmonio meridiano.

Cadent à latere tuo mille, & decem millia à dextris tuis: ad te autem non appropinquabit.

Instruct, III.

X

Verum-

Verumtamen oculis tuis considerabis: & retri-
tionem peccatorum videbis.

Quoniam tu es Domine spes mea: Altissimu
posuisti refugium tuum.

Non accedat ad te malum: & flagellum non
propinquabit tabernaculo tuo.

Quoniam Angelis suis mandavit de te: ut cu-
diant te in omnibus viis tuis.

In manibus portabunt te: ne fortè offendas
pidem pedem tuum.

Super aspidem & basiliscum ambulabis: &
culcabis leonem & draconem.

Quoniam in me speravit, liberabo eum: pro-
gam eum, quoniam cognovit nomen meum.

Clamabit ad me, & ego exaudiam eum: cum
sum in tribulatione, eripiam eum, & glorificabo
eum.

Longitudine dierum replebo eum: & ostendam
illi salutare meum.

Gloria Patri. Sicut erat.

Oremus. Oratio.

OMnipotens sempiterne Deus, infirmis
muli tui propitius respice, atque ad prote-
gendum eum dexteram tuam majestatis extende.
Christum Dominum nostrum. *℞. Amen.*

Completa Oratione ultima, Sacerdos imponat de-
ram manum super caput infirmi, & dicat:

Super aegros manus imponent, & bene habebunt.
JESUS Mariæ filius, mundi salus, & Dominus, per
ritis & intercessionem sanctorum Apostolorum
rum Petri & Pauli, & omnium Sanctorum, sit
clemens & propitius. Amen. *Postea dicat. V. Do-*
nus vobiscum. ℞. Et cum spiritu tuo.

†. Initium sancti Evangelij secundum Joannem.

✠. Gloria tibi Domine.

Joann. I.

IN principio erat Verbum: & Verbum erat apud Deum: & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil. Quod factum est, in ipso vita erat: & vita erat lux hominum: & lux in tenebris lucet, & tenebrae eam non comprehenderunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine: ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat: & mundus per ipsum factus est: & mundus eum non cognovit. In propria venit: & sui eum non receperunt. Quotquot autem receperunt eum, dedit eis potestatem filios Dei fieri: his, qui credunt in nomine ejus. Qui non ex sanguinibus, neque ex voluntate carnis, neque ex voluntate viri: sed ex Deo nati sunt. **ET VERBUM CARO FACTUM EST:** & habitavit in nobis, (& vidimus gloriam ejus, gloriam quasi unigeniti à Patre) plenum gratiæ & veritatis. ✠. Deo gratias.

Postea benedicens infirmum subjungat, dicens:

Benedictio Dei omnipotentis Patris †, & Filij, & Spiritus sancti, descendat super te, & maneat semper. ✠. Amen.

Deinde aspergat eum Aquâ benedictâ.

Si fuerint plures infirmi in eodem cubiculo vel loco, preces & orationes prædictæ dicantur super eos in numero plurali.

X 2

Quæ

*Quæ omnia etiam poterunt arbitrio Sacerdotum
viora fieri.*

MEMBRUM III.

Ordo Commendationis Animarum.

KYrie eleison.

Christe eleison.

Kyrie eleison.

Sancta MARIA,

Omnes sancti Angeli & Archangeli, *Orate pro*

Sancte Abel,

Omnis Chorus Justorum,

Sancte Abraham,

Sancte Joannes Baptista,

Omnes sancti Patriarchæ & Prophetæ,

Sancte Petre,

Sancte Paulc,

Sancte Andrea,

Sancte Joannes,

Omnes sancti Apostoli & Evangelistæ,

Omnes sancti Discipuli Domini,

Omnes sancti Innocentes,

Sancte Stephane,

Sancte Laurenti,

Omnes sancti Martyres,

Sancte Sylvester,

Sancte Gregori,

Sancte Augustine,

Omnes sancti Pontifices & Confessores,

Sancte Benedicte,

Sancte Francisce,

Omnes sancti Monachi & Eremitæ,

Sancta Maria Magdalena,

Sancta Lucia,	ora.
Omnes sanctæ Virgines & Viduæ,	orate.
Omnes Sancti & Sanctæ DEI,	Intercedite pro eo.
Propitius esto,	Parce ei Domine.
Propitius esto,	Libera eum Domine.
Ab ira tua,	Libera.
A periculo mortis,	Libera.
A mala morte,	Libera.
A pœnis inferni,	Libera.
Ab omni malo,	Libera.
A potestate diaboli,	Libera.
Per nativitatem tuam,	Libera.
Per crucem & passionem tuam,	Libera.
Per mortem & sepulturam tuam,	Libera.
Per gloriosam resurrectionem tuam,	Libera.
Per admirabilem ascensionem tuam,	Libera.
Per gratiam Spiritus sancti paracliti,	Libera.
In die iudicij,	Libera.
Peccatores,	Terogamus audi nos.
Ut ei parcas,	Te rogamus.
Kyrie eleison.	
Christe eleison.	
Kyrie eleison.	

Deinde cum in agone sui exitus anima anxiatur, dicantur sequentes Orationes.

Proficiscere anima Christiana de hoc mundo, in nomine Dei Patris omnipotentis, qui te creavit: in nomine JESU Christi filij Dei vivi, qui pro te passus est: in nomine Spiritus sancti, qui in te effusus est: in nomine Angelorum & Archangelorum: in nomine Thronorum & Dominationum: in nomine Principatum & Potestatum: in nomine Cherubim

& Seraphim: in nomine Patriarcharum & Prophetarum: in nomine sanctorum Apostolorum & Evangelistarum: in nomine sanctorum Martyrum & Confessorum: in nomine sanctorum Monachorum & Eremitarum: in nomine sanctarum Virginum, & omnium Sanctorum & Sanctarum. Hodie sit in pace locus tuus, & habitatio tua in Jerusalem & Sion. Per eundem Christum Dominum nostrum. *R.* Amen.

Oratio.

DEUS misericors, Deus clemens, Deus, qui secundum multitudinem miserationum tuarum peccata poenitentium deles, & praeteritorum criminum culpas veniam remissionis evacuas: respice propitijs super hunc famulum tuum *N.* & remissionem omnium peccatorum suorum tota cordis confessione poscentem deprecatus exaudi. Renova in pijsime Pater, quicquid terrena fragilitate corruptum, vel quicquid diabolica fraude violatum est: & unitati corporis Ecclesiae membrum receptionis annecte. Miserere Domine gemituum, miserere lacrymarum ejus: & non habentem fiduciam nisi in tua misericordia, ad tuum sacramentum conciliationis admittit. Per Christum Dominum nostrum. *R.* Amen.

Commando te omnipotenti DEO, charissime frater, & ei, cujus es creatura, committo: ut cum humanitatis debitum morte interveniente persolveris, ad auctorem tuum, qui te de limo terrae formaverat, revertaris. Egredienti itaque animae tuae corpore splendidus Angelorum coetus occurrat: & dexter Apostolorum tibi senatus adveniat: candida

rum tibi Martyrum Triumphator exercitus obviet:
liliata rutilantium te Confessorum turma circum-
det: jubilantium te Virginum chorus excipiat: &
beatæ quietis in sinu Patriarcharum te complexus
astringat: mitis atque festivus Christi JESU tibi aspe-
ctus appareat, qui te inter assistentes sibi jugiter in-
teresse decernat. Ignoret omne, quod horret in tene-
bris, quod stridet in flammis, quod cruciat in tor-
mentis. Cedat tibi deterrimus Satanæ cum satelli-
tibus suis: in adventu tuo te comitantibus Angelis
contremiscat, atque in æternæ noctis chaos immane
diffugiat. Exurgat Deus, & dissipentur inimici ejus:
& fugiant, qui oderunt eum, à facie ejus. Sicut defi-
cit fumus, deficient: sicut fluit cera à facie ignis, sic
pereant peccatores à facie Dei: & justî epulentur, &
exultent in conspectu Dei. Confundantur igitur &
erubescant omnes tartaræ legiones, & ministri Sa-
tanæ iter tuum impedire non audeant. Liberet te à
cruciatu Christus, qui pro te crucifixus est. Liberet
te ab æterna morte Christus, qui pro te mori digna-
tus est. Constituat te Christus filius Dei vivi intra
Paradisi sui semper amœna virentia, & inter oves
suas te verus ille Pastor agnoscat. Ille ab omnibus
peccatis tuis te absolvat, atque ad dexteram suam in
electorum suorum te sorte constituat. Redempto-
rem tuum facie ad faciem videas, & præsens semper
assistens, manifestissimam beatis oculis aspicias ve-
ritatem. Constitutus igitur inter agmina beatorum,
contemplationis divinæ dulcedine potiaris in sæcu-
la sæculorum. *R. Amen.*

Suscipe Domine servum tuum in locum sperandi
sibi salvationis à misericordia tua. *R.* Amen.
Libera Domine animam servi tui ex omnibus periculis
infernì, & de laqueis pœnarum, & ex omnibus tribu-
lationibus. *R.* Amen.

Libera Domine animam servi tui, sicut liberasti
Enoch & Eliam de cõmuni morte mundi. *R.* Amen.

Libera Domine animam servi tui, sicut liberasti
Noë de diluvio. *R.* Amen.

Libera Domine animam servi tui, sicut liberasti
Abraham de Vr Chaldæorum. *R.* Amen.

Libera Domine animam servi tui, sicut liberasti
Job de passionibus suis. *R.* Amen.

Libera Domine animam servi tui, sicut liberasti
Isaac de hostia, & de manu Patris sui Abraham.
Amen.

Libera Domine animam servi tui, sicut liberasti
Lot de Sodomis, & de flamma ignis. *R.* Amen.

Libera Domine animam servi tui, sicut liberasti
Moysen de manu Pharaonis Regis Ægyptiorum.
Amen.

Libera Domine animam servi tui, sicut liberasti
Danielem de lacu leonum. *R.* Amen.

Libera Domine animam servi tui, sicut liberasti
tres pueros de camino ignis ardentis, & de manu
Regis iniqui. *R.* Amen.

Libera Domine animam servi tui, sicut liberasti
Susannam de falso crimine. *R.* Amen.

Libera Domine animam servi tui, sicut liberasti
David de manu Regis Saul, & de manu Goliath.
Amen.

Libera Domine animam servi tui, sicut liberasti Petrum & Paulum de carceribus. R. Amen.

Et sicut beatissimam Theclam Virginem & Martyrem tuam de tribus atrocissimis tormentis liberasti, sic liberare digneris animam hujus servi tui, & tecum facias in bonis congaudere cælestibus. R. Amen.

Oratio.

Commendamus tibi Domine animam famuli tui. *N.* precamurque te, Domine JESU Christe, Salvator mundi, ut propter quam ad terram misericorditer descendisti, Patriarcharum tuorum sinibus insinuare non renuas. Agnosce Domine creaturam tuam, non à dijs alienis creatam, sed à te solo DEO vivo & vero: quia non est alius DEUS præter te, & non est secundum opera tua. Lætifica, Domine, animam ejus in conspectu tuo, & ne memineris iniquitatum ejus antiquarum, & ebrietatum, quas suscitavit furor, sive fervor mali desiderij. Licet enim peccaverit, tamen Patrem, & Filium, & Spiritum sanctum non negavit, sed credidit, & zelum DEI in se habuit, & DEUM, qui fecit omnia, fideliter adoravit.

Oratio.

Delecta juventutis, & ignorantias ejus, quæsumus, ne memineris Domine, sed secundum magnam misericordiam tuam memor esto illius in gloria claritatis tuæ. Aperiantur ei cæli, collentur illi Angeli. In regnum tuum Domine servum tuum suscipe. Suscipiat eum sanctus Michael Archangelus DEI, qui militiæ cælestis meruit principatum. Veniant illi obviam sancti Angeli DEI, & perducant eum in civitatem cælestem Jerusalem. Suscipiat eum beatus Petrus Apostolus, cui à DEO claves

X s

regni

regni cælestis traditæ sunt. Adjuvet eum sanctus Paulus Apostolus, qui dignus fuit esse vas electio-
Intercedat pro eo sanctus Joannes electus DEI Apostolus, cui revelata sunt secreta cælestia. O-
pro eo omnes sancti Apostoli, quibus à Domino do-
ta est potestas ligandi atque solvendi. Intercedat
pro eo omnes Sancti & Electi DEI, qui pro Christi
nomine tormenta in hoc sæculo sustinuerunt &
vinculis carnis exutus, pervenire mereatur ad glo-
riam regni cælestis: præstante Domino nostro JESU
Christo: Qui cum Patre, & Spiritu Sancto vivit &
regnat in sæcula sæculorum. *℞.* Amen.

M E M B R U M IV.

Tres piæ & utiles morientibus Orationes cum
tribus Pater & Ave in agone mortis
recitandæ.

Kyrie eleison. Christe eleison. Kyrie eleison.
Pater noster. Ave Maria.

Oratio.

Domine JESU Christe, per tuam sanctissimam
agoniam & orationem, quâ orâsti pro nobis
monte Oliveti, quando factus est sudor tuus
gutta sanguinis decurrentis in terram: obsecro
ut multitudinem sudoris tui sanguinei, quem pro
moris angustia copiosissimè pro nobis effudisti, o-
ferre & ostendere digneris DEO Patri omnipotenti
contra multitudinem omnium peccatorum hujus
muli tui *N.* & libera eum in hac hora mortis suæ
omnibus pœnis & angustis, quas pro peccatis suis
timet meruisse. Qui cum Patre & Spiritu sancto vi-
vis & regnas DEUS in sæcula sæculorum. *℞.* Amen.

Kyrie eleison. Christe eleison. Kyrie eleison.
Pater noster. Ave Maria.

Oratio.

Domine JESU Christe, qui pro nobis mori dignatus es in cruce, obsecro te, ut omnes amaritudines passionum & pœnarum tuarum, quas pro nobis miseris peccatoribus sustinuisti in cruce, maximè in illa hora, quando sanctissima anima tua cgressa est de sanctissimo corpore tuo, offerre & ostendere digneris **DEO** Patri omnipotenti pro anima hujus famuli tui *N.* & libera eum in hac hora mortis ab omnibus pœnis & passionibus, quas pro peccatis suis se timet meruisse. Qui cum Patre & Spiritu sancto vivis & regnas **DEUS** in sæcula sæculorum. *R.* Amen.

Kyrie eleison. Christe eleison. Kyrie eleison.
Pater noster. Ave Maria.

Oratio.

Domine JESU Christe, qui per os Prophetæ dixisti: In charitate perpetua dilexi te, ideo attraxi te miserans: obsecro te, ut eandem charitatem tuam, quæ te de cælis in terram ad tolerandas omnium passionum tuarum amaritudines attraxit, offerre & ostendere digneris **DEO** Patri omnipotenti pro anima hujus famuli tui *N.* & libera eum ab omnibus passionibus & pœnis, quas pro peccatis suis timet se meruisse. Et salva animam ejus in hac hora exitus sui. Aperi ei januam vitæ, & fac eum gaudere cum Sanctis tuis in gloria æterna. Et tu pijsime Domine JESU Christe, qui redemisti nos pretiosissimo Sanguine tuo, miserere animæ hujus famuli tui, & eam introducere digneris ad semper virentia & amœna loca Paradisi, ut vivat tibi amore indivisibili, qui à te, & ab Electis tuis nunquam separari potest

potest. Qui cum Patre & Spiritu sancto vivis & regnas DEUS in sæcula sæculorum. R. Amen.

M E M B R U M V.

Protestationes S. Caroli Borromæi utilissimæ

Infirmis prælegendæ.

P R O T E S T A T I O I.

IN nomine Sanctissimæ Trinitatis, Patris, & Filii, & Spiritus sancti, ego infelix & miser peccator, protestor in præsentia tua, ô Angele DEI, assignatam mihi à Divina Majestate pro ductore, cum primò natus sum, velle & desiderare me mori in ea sola fide & Catholica fide, quam Sancta Romana, & Apostolica tenet, & profitetur Ecclesia, & in qua omnes Sancti, quotquot fuerunt unquam uspiam, mori sunt; nec desidero diutius vivere, quàm placeat Deo meo, cui omnem meam voluntatem integrè & toto subjicio.

P R O T E S T A T I O II.

Protestor etiam, ô Angele DEI, desiderate & precor, ut me sub tua sancta custodia ac protectione, cedere ex hac vita, cum spe Divinæ misericordiæ sine ulla titubatione in fide, non obstante quacunque multitudine, & gravitate peccatorum meorum, certò sciens, ac firmissimè credens, etiam unam solam guttam pretiosissimi Sanguinis Domini nostri Jesu Christi sufficientem futuram fuisse, non solum ut me salvaret, sed universum etiam genus humanum, quin & mille mundos, si ita placitum fuisset Divinæ suæ Majestati.

P R O T E S T A T I O III.

Similiter protestor, ô Angele Sancte, petere me ut sintimo corde, participem fieri misericordiæ & demerito

demptoris, & Domini mei JESU, remissionemque omnium peccatorum meorum consequi, sciens, quod ipse eam nulli peccatori quantumvis gravi, & abominabili, neget, ritè contrito & confesso, idque per & propter merita amarissimæ suæ passionis, & mortis, & virtutem pretiosissimi sanguinis sui pro me indignissimo in ligno crucis copiosè effusi; per merita demum sanctissimæ matris suæ, Virginisque MARIAE, & omnium Sanctorum & Angelorum.

PROTESTATIO IV.

ITerum protestor, Sanctissime mi Custos supplicare me divinæ pietati, ut dignetur me recipere in numerum eorum, quos ab æterno prædestinavit in suam gloriam: etiamsi oporteret me pati ob peccata mea in purgatorio ad novissimum usque; judicii diem, dummodo tandem per ipsius infinitam misericordiam, consequar vitam æternam.

PROTESTATIO V.

Sanctissime & vigilantissime Custos, protestor deum, constituere me te procuratorem testamenti, & ultimæ voluntatis animæ meæ, ad impetrandum mihi à Domino meo JESU tres gratias. Prima est, ut mihi donet unum solum lachrymosum suspirium ex infinitis illis, quæ habuit ipse, dum per tres horas vivus fuit in cruce, quorum efficaciam & virtute mitigentur lacrymabiles illi singultus, cordisque pressuræ, & angustiae, quibus in hora mortis affligar. Et ut gloriosissima Mater DEI MARIA dignetur me vel unico etiam aspectu ex ijs, quos ipsa sub cruce stans habuit, defigendo in unicum filium suum virginæ oculos; suscipiendo me in eorum numerum, qui ejus precibus, & meritis in die judicii obtinebunt.

bunt salutem, & vitam sempiternam. Altera gratia est, ut tu, fidelissime Custos meus, in illa potissimum hora mihi succurras, quando anima mea separabitur à corpore meo, ut inveniam benignum Iudicem merito flagrantissimæ illius charitatis, quæ per ipsum ipsius pectus in cruce fuit inflammatum pro salute peccatorum. Ultima demum gratia est, ut idem piissime Custos meus, animam meam tibi commendas, eamque de ergastulo corporis egressam, dextræ tuæ potentiâ Redemptori meo offeras, ut eum unâ tecum, & Sanctis omnibus in Cœli gaudiis videam, perfectè amem, eoque æternè fruam, cui sit laus, honor, & gloria in omnem æternitatem, Amen.

MEMBRUM VI.

Orationes pro Moribundo dicendæ.

AD SS. TRINITATEM.

TE summa DEUS Trinitas, omnipotens atque DEUS, qui es semper, & per omnia Deus benedictus in sæcula, quem omnis spiritus laudat, suppliciter deprecamur, ut per meritum illius ineffabilis & excellentissimæ Charitatis, quæ dilectissimus Filius tuus Dominus noster JESUS Christus, hoc fieri dignatus est: quæ etiam pro salute nostra, sæcula, opprobria, convitia, flagella, sputa, alapas, coronam spineam, ac amarissimam mortem amoremque passus est: ac etiam per meritum gloriosissimæ, beatissimæ Virginis Mariæ, & omnium Sanctorum qui tibi ab initio mundi placuerunt: nec non per virtutem clavium spiritualium, quas clementissimus bone JESU, Ecclesiæ tuæ Ministris tradidisti, huic famulo tuo in extremis laboranti, misericordiam

ver indulgere digneris omnia peccata tua, quæ ab hora sacri Baptismatis, usque ad præsens, quoquo modo, malitiâ, miseriâ, ignorantia, ac fragilitate commisit: & ipsum per sanctas indulgentias, & absolutiones ex thesauris tuæ immensæ Charitatis indultas, restituere digneris in illam puritatem, innocentiam ac spirituales claritatem, quas in Baptismate donare dignatus es. Dignare etiam, suavissime Domine JESU Christe, ab omni aspectu & terrore Dæmonum eum meri, & propter gloriosi nominis tui honorem, ipsum in conspectu Divinæ Majestatis tuæ gratum reddere, ut, dulcissime Pater ac amabilissime Redemptor bone JESU, & sanctissime Paraclete spiritus, merito omnium Sanctorum tuorum, & præsertim sacratissimæ passionis tuæ clementer suscipias, Te perenni jubilo in cælorum beatissimo regno æternaliter fruiturum. Amen.

AD PASSIONEM CHRISTI.

✠. Adoramus te Christe, & benedicimus tibi.
✠. Quia per sanctam Crucem tuam redemisti mundum.

DEUS, qui pro redemptione mundi voluisti nasci, circumcidi, à Judæis seprobari, à Juda traditore osculo tradi, vinculis alligari? sicut agnus innocens ad victimam duci, atque conspectibus Annæ, Caiphæ, Pilati, & Herodis indecenter offerri; à falsis testibus accusari, flagellis & opprobrijs vexari, sputis conspuì, spinis coronari, colaphis cædi, arundine percuti, facie velari, & vestibibus exui, cruci clavibus affigi, in cruce levari, inter latrones deputari, felle & aceto potari, & lancea vulnerari: Tu Domine, per has sanctissimas pœnas tuas, quasi ego indig-

gnus

gnus recolo, & per sanctam crucem & mortem tuam libera me (vel, si alius dicit pro eo libera famulum tuum N.) à pœnis inferni, & perducere digneris quò perduxisti latronem tecum crucifixum. Quod cum Patre & Spiritu sancto vivis & regnas in sæculum sæculorum. Amen.

AD JESUM.

O Bone Jesu, ô piissime Jesu, plene misericordiam tuam, & pietate: O dulcis Jesu, secundum magnam misericordiam tuam miserere huic famulo tuo infirmo: O Clementissime Jesu, te deprecamur illum sanguinẽ pretiosum, quẽ pro peccatoribus funderes voluisti, ut abluas omnes iniquitates ipsius & respicias in illum humiliter veniam deprecantem, & hoc Sanctum Nomen Jesus invocantem. O nomen Jesu, nomen delectabile, nomen Jesu, nomen confortans! Quid est enim Jesus, nisi Salvator ergo Jesu propter Nomen Sanctum tuum, esto mihi salus, & salva eum: ne permittas eum damnari, quod de nihilo creasti: O dulcis Jesu recognosce, quod tuum est, & absterge, quod alienum est. O Benignissime Jesu, miserere ei, dum tempus est miserentis, ne damnes eum in tempore judicandi. Non enim mortui laudabunt te, Domine, neque omnes, qui descendunt in infernum. O amantissime Jesu, ô consideratissime Jesu, ô mitissime Jesu, ô Jesu salus credentium, ô Jesu salus ad te confugientium. O Jesu dulcis remissio peccatorum omnium. O Jesu Agnus DEI, ô Jesu fili David, ô Jesu fili Mariæ Virginis, libera famulum tuum ab omnibus temptationibus, quibus eum angustiatum esse cognoscimus, & mittere digneris sanctum Angelum tuum de coelo.

lis, qui eum custodiat, foveat, protegat, visitet, & defendat, atque animam ipsius in hora exitus sui in Paradisum exultationis deducendum illico suscipiat.
R. Amen.

V. Sit Nomen Domini benedictum.

R. Ex hoc, nunc & usque in sæculum.

AD B. VIRGINEM.

I. Virgo clementissima DEI Genitrix MARIA, ob illius doloris gladium, qui tuam sacratissimam animam pertransivit, quando cernebas filium tuum nudum in cruce pendentem, clavis perforatum, cruore perfusum, plagis ac vulneribus laceratum, adjuva animam servi tui, ut compassionis tuæ gladio, divinique timoris, ac amoris lanceâ transverberetur, & sic omnis peccati humor noxius effluat, mundatôque à vitijs pectore terrena despiciat, & toto affectu ad cœlestia anhelet.

II. MARIA Virgo Sanctissima ob acerbum illum doloris sensum, quem experta es, quando JESUM Filium tuum præ dolore clamantem, & te Joanni commendantem audivisti: Exaudi preces, quas ad aures tuæ pietatis, pro famulo tuo fundimus, eique in obitu suo subveni, & ejus spiritum clementissimo Filio tuo commendo: ut maternâ tuâ interventione à terroribus, & tormentis eruatur ad desideratam cœlestis patris regionem te comitante perveniat.

III. Beata Virgo MARIA, per terrorem, & horrorem illum gravissimum, quo maternum pectus tuum contremuit, quando filium tuum dilectissimum Dominum Nostrum JESUM Christum ab impijs captum, ligatum, tractum ad supplicia, & ab

Instruct. III.

Y

omni-

omnibus derelictum inaudisti; adjuva famulum tuum in extremis constitutum, ut de præteritis licetis contritionem veram eliciat, ne forte in habitu suo adversarii occursum paveat, tremendum Judicis aspectum accusante conscientia contumescat, sed potius ope tuâ desideratam ejus faciem jubilo videat, & tecum gaudiis æternis perfruat.

IV. Virgo dulcissima DEI Genitrix MARIA, cruciatus, & angustias tuas, quas sustinuit cor tuum quando Filius tuus Dominus Noster JESUS Christus clamantibus Judæis: crucifige, crucifige: mortuus est, & supplicio crucis additus, subverte huic famulo tuo in extremis laboranti, ne mortis ternæ contra eum sententia proferatur, sed potius vitam lætus te intercedente transeat sempiternam.

V. Intemerata & in æternum benedicta VIRGO MARIA, famulo tuo in hoc extrema necessitate ticulo subveni, illos tuos misericordes oculos ad me convertite; ostende illi dulcissimam faciem tuam & in virtute S. crucis inimicos ejus omnes dispece. Libera eum ex omni angustia, ut tecum, & cum sanctis spiritibus suis Redemptori suo æternas re gratiarum actiones. Reminiscere miserationum tuarum, ô Mater misericordiæ, & secundum multitudinem miserationum tuarum animæ illius contulere.

MARIA Mater gratiæ,

Mater misericordiæ.

Tuum ab hoste protege,

Et horâ moris suscipe. Amen.

AD MICHAELEM.

Sancte Michaël Archangele, succurre huic animæ apud altissimum Judicem. O invictissime

assiste huic famulo tuo in extremis laboranti, & cum
potenter à dracone infernali defende, & à visione,
fraudeque malorum spirituum. Insuper exoramus
te, ut in hac extrema hora vitæ ipsius, animam ejus
benignè suscipias, ac suaviter in sinum tuum reci-
pias, illamque in locum refrigerij, lucis & pacis per-
ducas cum Domino JESV æternalium regnaturam,
Amen.

MEMBRUM VII.

Orationes pro felici morte obtinenda

Ad IESVM in cruce expirantem.

Domine JESU Christe, per dolores ac cruciatus
illos tremendos, quos sustinuisti pro me, maxi-
mè in illa hora, qua sacratissima tua anima egressa est
de corpore tuo benedicto, miserere peccatricis ani-
mæ meæ in egressu ejus.

Horâ mortis meus flatus

Intret JESU tuum latus.

AD B. VIRGINEM MARIAM

Christo morienti adstantem.

Beatissima Virgo MARIA recordare tristissimæ
illius horæ, quâ Filio tuo adstitisti in cruce mo-
rienti.

Per dolorem hunc tam fortem

Et per nati tui mortem,

Per sacra ejus vulnera

Et sanguinis ejus merita.

2.

In hora mortis ultima

Adsis mihi charissima.

Horâ mortis meus flatus

Intret JESU tuum latus.

Y 2

AA

Ad SS. CHRISTO morienti adstantes.

S Joannes, S. Joseph ab Arimathia, S. Nicolaus, S. Petrus, S. Maria Magdalena, S. Maria Jacobi, Salome, S. Verónica, cæterique Sancti & Sanctæ Dei, qui adstitistis Christo in cruce morienti, pro me in hora mortis meæ.

Horâ mortis meus flatus

Intret JESU dulce latus.

Nota ad primam oratiunculam.

Fuit olim ex Ordine Cisterciensi devotus Cœnobia, qui morbo lethali oppressus, ubi primis vivis excessit, cœnobiij sui superiorem coram se conspicuus invisit: ac roganti, quò tenderet, hanc leuam extinctum recto ad Cœlum tramite tendere percunctanti, quâ flammâ purgatorias evadere spondit, id accidere, quòd crucifixi imaginem præterit, elevatâ in Christum patientem modo supra scripto orâit. Nec enim irritas esse se preces, vinculis se corporis solutum, poenâ liberum evolare in Cœlum. Ita Cæsar. l. 12. c. 1.

Nota ad secundam.

Incessit aliquando cupido discipulum, quem duxit, & cui matrem moriturus commendavit, assumptâ in Cœlum Virgine superstitem, ejus amabilissimo aspectu oculos in terris explendi mora, abreptus in ecstasi, spectavit coram una Filio Virginem, quæ multis, tam de Filij toleratione cruce tormentis, quàm de sua ingenti erga commiseratione ubi discessit, demum Filio supplicata rogavit, ut cæleste quoddam munus imperturij, qui piè horum dolorum meminissent, annuunt Matris precibus Filius, ac mox quatuor hanc

na sponndit. Primum, ut quisquis Virginem per e-
jus dolores precaretur, is ante obitum, verum de
peccatis dolorem impetraret. Alterum, hunc eun-
dem certo ipsius, maximè instante morte, præsidio
muniendum. Tertium, cordi ejus supplicia se sua
inscripturum. Denique se matri jus omne conce-
dere, & facultatem dare pro tali quidlibet obtinen-
di. Ita Pomerius l. 4. de B. V. M. p. 4. Kalend. Marian.
17. Decemb. P. Casparus Tausch, de Mat. dolorosa
praxi 1. § 5.

Nota ad tertiam.

SI commemoratio JESU morientis, & sanctissi-
mæ ejus matris ad crucem adstantis, tam est JESU
ac MARIAE dolorosæ grata, ecquis dubitet, quin
Sanctis, qui ad Crucem adstiterunt, mirificè quoque
accepta futura sit, vicissim suffragiis suis morientibus
nobis opem laturis.

Serviet etiam ad hos dolorosæ matris dolores,
juxta mentem ejusdem recolendos hymnus, unà
cum oratiunculis his appositis.

Hymnus.

STabat Mater dolorosa
Juxta crucem lacrymosa,
Dum pendebat Filius.
Cujus animam gementem,
Contristantem, & dolentem
Pertransivit gladius:
O quàm tristis & afflicta,
Fuit illa benedicta
Mater unigeniti!
Quæ mœrebat, & dolebat,
Et tremebat, cum videbat
Nati pœnas inclyti.

Y 3

Con-

Quis est homo, qui non fleret,
Christi Matrem si videret
In tanto supplicio?

Quis non posset contristari,
Piam Matrem contemplari,
Dolentem cum Filio?

Pro peccatis suæ gentis
Vidit JESUM in tormentis,
Et flagellis subditum.

Vidit suum dulcem Natum,
Morientem, desolatum,
Dum emisit spiritum.

Eja Mater fons amoris,
Me sentire vim doloris,
Fac, ut tecum lugeam,

Fac, ut ardeat cor meum
In amando Christum DEUM,
Ut sibi complaceam.

Sancta Mater istud agas,
Crucifixi fuge plagas,
Cordi meo validè;

Tui nati vulnerati,
Tam dignati pro me pati,
Pœnas mecum divide.

Fac me verè tecum flere,
Crucifixo condolere,
Donec ego vixero;

Juxta crucem tecum stare,
Te libenter sociare,
In planctu desidero.

Virgo virginum præclara,
Mihi jam non sis amara,
Fac me tecum plangere;

Fac, ut portem Christi mortem

Passionis fac consortem,

Et plagas recolere.

Fac me plagis vulnerari,

Cruce hac inebriari,

Ob amorem Filij;

Inflammatum & accensus,

Per te Virgo sim defensus

In die Judicij,

Fac me cruce custodiri,

Morte Christi præmuniri,

Confoveri gratiâ.

Quando corpus morietur,

Fac ut animæ donetur

Paradisi gloria.

¶ Tuam ipsius animam doloris gladius pertransivit;

¶ Ut revelentur ex multis cordibus cogitationes.

Oratio.

Interveniat pro nobis, quæsumus, Domine JESU
Christe, nunc & in hora mortis nostræ apud tuam
clementiam B. Virgo MARIA, cujus sacratissimam
animam doloris gladius pertransivit; per te JESU
Christe, Servator mundi, qui cum Patre & Spiritu
Sancto vivis, & regnas DEVS in sæcula sæculorum.
Amen.

Alia Oratio.

Domine JESU Christe, qui è cruce depositus in-
ter sanctissima Genitricis tui brachia deponi
voluisti, concede propitius, ut & crucem meam,
quam mihi largiri pro tua bonitate volueris, nun-
quam in vita derelinquam, & in morte ex ea depo-
situs, per clementissimæ Matris tuæ manus, ante te
merear præsentari. Qui vivis & regnas &c.

ALIAE TRES ORATIONES S. MICHAE-
 tildi à B. Virgine praescripta.

I. **P**ost 1. Ave Maria. O Domina mea S. Maria. sicut tu ut Deus Pater per Omnipotentiam suam peccatissimam effecit, ita mihi, quæso, adis in horam mortis expellendo à me omnem contrariam potestatem.

II. **P**ost 2. Ave Maria. O Domina mea S. Maria. sicut Filius Dei tantâ te cognitione & claritate cognatus est, ut totum cælum illumines, ita in horam mortis animam meam cognitione fidei sic illumine & corroborea, ut nullo errore aut ignorantia pervertatur.

III. **P**ost 3. Ave Maria. O Domina mea S. Maria. sicut Spiritus S. suum amorem plenè tibi infudit, ita tu in morte dulcedinem amoris divini mihi instilla, ex quo omnis amaritudo mihi reddatur suavissima. Amen.

M E M B R U M VIII.

Invocationes Sanctorum in hora mortis
 recitandæ.

AD B. VIRGINEM ORATIO
 S. Augustini.

I.

O Mater misericordiæ, & Consolatrix eorum, quæ ad tuam recurrunt clementiam! Per eandem supplico, ut impetres mihi gratiam, ut, antequam moriar, peccata mea confessione eluam, & dignè particeps fiam corporis & sanguinis dulcissimi Filij tui. O sanctissima Virgo, per honorem & dignitatem maternitatis, & per puritatem tui sacri corporis, accipe hanc animam festinantem egredi ex mundo.

Libera eam, & defende manu potenti contra omnes accusatores, terrores, & quascunque diabolicas illusiones. Descende ad me, dulcissima Domina, cum celesti militia, miserere animæ meæ in ejus transitu, effice, ut tutum, & pervium iter habeam ad Filium tuum. Invoco amorem tuum per illum amorem, quo Sanctissima Trinitas excepit animam tuam purissimam, quando è carne tua virginali separabatur. Suppleat gratiosa tua pietas, quidquid meis deest meritis. Succurre mihi in hac hora ultima, ut non habeam obvium principem tenebrarum, ne me vincant, aut decipiant inimici mei.

*AD SS. ANGELOS ORATIO**Hieremiæ Drexelij.*

II.

O Vos omnes purissimi Spiritus, SS. Angeli Dei, respicite in me. Hic ego jaceo gemens, & suspirans, quia manus Domini tetigit me. Mors mihi in oculis est; mortalium jam nemo amplius, vos soli potestis succurrere. Judicii dies jam mihi est indictus. Eheu! comparandum est coram summo Judice, & reddenda ratio de cogitatis, dictis, factisque omnibus. Scitis ô beatissimæ mentes, me vilem terræ vermiculum quotidie honori vestro dicere aliquid, aut facere consuetum esse. Ah! ne me deserite in his summis angustiis meis, in hac ultima necessitate; à qua tota mihi pender æternitas. Momentum illud jam imminet, in quo salus mea jam omnis, aut perenne stat exitium. Ah! juvate, & ante Regem Regum pro me supplices procumbite, & meum mihi obsecro, conciliate judicem. Sententiam ego nunc expecto supremam, vos impetrate, ut ea mitis sit, & ad vitam. Mortem, quam ego meritus fuisset æternam,

Y s

nam,

nam, per vestras preces, merita que liceat deprecari.
Subvenite SS. Angeli Dei, subvenite, succurrite
jam jam aderit Judex Christus JESUS. Miserere,
JESU! Miserere, per omnes SS. Angelos tuos te rogo
JESU MISERERE.

III.

AD OMNES SANCTOS COELITUM

Oratio D. Augustini.

O Pulchra! ô speciosa domus Domini! ego dilectum
decorem tuum, ad te suspiro ex hoc meo dilectio
lio, ad te anhelat cor meum, dum deficit vita mea.
vos Angeli, & Spiritus cælestes, qui estis exercitus
Dei fortissimus, defendite me in hoc passu con-
omnes laqueos Satanæ. Liberate me à periculis
jus maris procellosi, & à Piratis, qui me persequuntur.
tur. Vos vestris orationibus deducite hanc con-
fatam, & confractam cymbam ad portum quietis.
illic vobiscum conquiescam. O Patriarchæ! SS.
Prophetæ luce divina illuminati! ô Apostoli, &
peratores Domini gloriosi! Valentissimi JESU
sti Martyres, sapientissimi Doctores, Humilissimi
Confessores, purissimæ Virgines, Conjuges, Viri
& animæ omnes quæ Deo placuistis, adjuvate me.
subvenite, ut salvus perveniam ad portum, ad quem
vos pervenistis. Peccavi, & sicut ovis quæ perit
erravi, fateor, neque tamen diffido de bonitate
mi mei Pastoris; ille me recipiet in suos humeros
ad vos deducet, ut in vestra Societate exulcet anima
mea gaudio inexplicabili, quo vos jam fruimini.

MEMBRUM IX.

Orationes longiorem affectum certum
continentes.

I.

F I D E I.

Profiteor coram te summa, & prima veritas, Deus, corde & ore, coramque curia cœlesti, totoque orbe, sincere me credere omnia, quæ dixisti, revelasti, & per Ecclesiam Catholicam credenda proposuisti; idque ex speciali dono gratiæ tuæ; præsertim quæ in Symbolo Apostolico, aliisque continentur, affirmans omnia esse certissima. Et in hac fide protestor me cum divino auxilio tuo, quod imploro, velle vivere, & mori; utinam & pro eadem sanguinem profunderè dignus forem! & si quid forte occurreret contra eam, undecunque (quod, quæso, avertere digneris) id ex nunc pro tunc detestor, & abrenuntio: adauge mihi fidem, fidelissime JESU, ut in eamoriens non peream, sed habeam vitam æternam. *Hujus professionis, Et protestationis exemplum supra positum in Gonzale Medeiros, ardentem ceretum manu tenente potest legi cap. 6. §. 13. memb. 3.*

II.

S P E I.

Ex S. Augustino. Med. c. 39.

Peccavi, ô Juste Judex, mereor mille infernos: non habeo, unde solvam. Mea satisfactio est tuus sanguis, & tua misericordia; quæ absomit, & superat peccata totius mundi. Quamvis peccaverim, & merear deferi, tu tamen non exuisti tuam bonitatem, quâ solitus es salvare peccatores. Non placet tibi, Domine, perditio eorum, qui moriuntur, imò ut mortui viverent, tu mortuus es. Nunc, cum peccatores vivant te moriente, supplico, ut te vivente non moriar ego. Quomodo potero diffidere, ô bone JESU, de tua misericordia, dum recorder, quod cum

esset

essem tuus inimicus, pro me mortuus es, & DEO reconciliasti? Si veniam offerebas, cum non quærerem; modò cum eandem peto, quando bentius impertieris? Tuum dulcissimum nomen, JESU, quod Salvatorem significat, fiduciam præbet, salva animam meam, & dicei, quòd salus. *ex med. cap. 39.*

III.

CHARITATIS.

Ex eodem.

Nunc cognovi te, lux vera, nunc cognovi te fine vitæ meæ. Sis benedictus, & lauderis semper, ô Illuminator animæ meæ in tempore tam opportuno. Serò te amavi, amor æternus quia serò, serò nunc te amem, & melius est serò quàm nunquam. O infelix tempus, in quo te cognovi! ô misera cæcitas, in qua te non vidi! ô profunda surditas, in qua non audiui voces tuas! ô fatidum, & infatuatum cor, quod se immiscuit pulchritudini corruptibili tuarum creaturarum, te deservit qui es pulchritudo æterna!

IV.

DESIDERII VIDENDI DEI.

Ex S. Gertrude.

O Amor! quando erues animam meam ex hoc corpore? acceleret, ô DEUS meus, dulcedo meæ celeret gloria tuæ præsentis. Deus meus, misericordia mea, absconde me in tuis manibus, in tuis precibus, in hoc amantissimo corde. In te desigunt desideria, mei gemitus ad te sunt, ad te mea sospitant laudes, & omnis fiducia. Quando tecum ero gloria mea? quando dissolvetur hic laqueus mortis? dila-
ta misericordiam tuam erga hanc magnam peccatorem.

tricem. O amor æterne! quàm dulcis & amabilis est tua Societas? Surge desiderium cordis mei. Ad te sunt oculi mei, ad te aures, nulla mihi alia vox sonet, sonet unica tua bonitas in auribus meis.

V.

Vel. ex cap. 1. soliloq.

Quare faciem tuam avertis gaudium meum per quod gaudeo? Ubi es absconditus pulcher, quem desidero? Vocem tuam audio, & revivisco; sed cur faciem tuam abscondis? fortè dicis, non videbit me homo, & viveret? Eja Domine moriar, ut te videam, videam, ut hîc moriar. Nolo vivere, volo mori, dissolvi cupio, & esse cum Christo, mori desidero, ut videam Christum, vivere renuo, ut vivam cum Christo.

VI.

GRATITVDINIS.

Agnosco Deus meus ex toto corde beneficia, quæ ex manu tua accepi, & me ipsum redono in omnem æternitatem ei, qui amore mei se mihi, imò & suis inimicis tradidit. Redeo, & me tibi restituo, quia tuus sum. Vivo, ut in me vivas, & morior in te, ut te in omnem æternitatem.

VII.

CONTRITIONIS.

Ad SS. Trinitatem.

O Trinitas beatissima! Vehementer pœnitet irrogatæ tibi injuriæ peccatis meis, quæ detestor idcirco. Pater peccavi in cælum & coram te, jam non sum dignus vocari filius tuus. Pœnitet! ah pœnitet, ô Deus propitius esto mihi peccatori! ô unice Patris æterni Fili JESU, cruciatus & mortem tuam acerbissimam, quorum infelix peccator causam me fuisse

fuisse heu quam me poeniter! pone inter peccata mea, & iustitiam æterni Patris tui, & miserere mei. ô Spiritus Sanctissime, amor & bonitas infinita. te quòd recesserim conversus ad creaturas cum iniqua, & offensa tanti boni, quam mihi dolet! ne repudicias me à facie tua, sed spiritu tuo Sancto renoua & confirma me in æternum, nunquam amplius à te parer, sed ex omni actione, & vitâ meâ resulet gloria Patri, & Filio, & Spiritui S. sicut erat in principio, & nunc & semper &c.

VIII.

RESIGNATIONIS.

A S. Hieronymo usurpata.

Advenit tandem, ô Domine, hora mortis, pro quam in mundum nascimur. Cum hoc onere cepi beneficium vitæ, ut deinde persolverem tributum mortis. Expirâsti, ô mi redemptor, in crucem cum esses Dominus, ut mori servus non tergiverteretur. Fiat semper voluntas tua: moriatur, moriatur anima mea, attramen morte iustorum. Scio, quia Deus & Redemptor meus vivit, & suis temporibus resuscitabit hoc corpus concussum à tam potentibus ventis nausæ, fastidiorum, dolorum, & aliorum rebellium accidentium. Ut inhabitem terras mortuorum, dimitto mortalem hanc domum, & hanc carcerem morti destinatam. Tempus est, ut cantem DEO hymnum laudis, quia per ignem & aquam deduxit me in refrigerium. Usque adhuc horâ peregrinatus sum, nunc in patriam ingredior: usque modo periculosè navigavi, nunc in portum intro. Densæ tenebræ me transferunt de tenebris in lucem; de periculis ad securitatem; ex paupertate ad divitias; ex pœna ad

victoriā; ex molesto ergastulo hujus corporis ad Pa-
 triam, à dolore ad quietē & tranquillitatem cœlestis
 curiæ. Vita mea sensim deficit, ô Deus, in cuius po-
 testate sunt omnia horarum momenta. Fateor, me-
 lius est mihi tractare cum morte, quàm cum vita
 tam dolosa, periculosa, proditrice. O bona mors!
 dulcis facta per mortem Domini mei JESU Christi.
 Non jam mors dicenda es, siquidem das æternam vi-
 tam, & auferes à me febres, & dolores; & fugas à cor-
 pore famem & sitim. Veni, ô mors! Soror mea, spon-
 sa mea, amica mea, & monstra mihi JESUM amo-
 rem cordis mei, ostende mihi, ubi pascat greges suos
 hic divinus Pastor; ubi sit meridies gloriosa pulch-
 ritudinis optimi Jesu. Surge, anima mea, curre in o-
 dorem unguentorum ejus preciosorum, intra in se-
 cretum deliciarum ejus. Jam pertransiverunt dies
 juventutis meæ, & anni informes senectutis tran-
 sierunt velut umbra, & me solùm reliquerunt. Ad te
 convertito me, Redemptor meus, convertere & tu ad
 me, ô spes mea unica! Respice, salva, & libera me,
 & hanc animam erue à carcere corporis istius.

Dies mei sicut fumus evanuerunt, & caro mea sic-
 ut flos fani exsiccata est. Jam certè Deus meus adve-
 nit tempus, in quo recorderis, & miserearis mei. Au-
 fer à me lugubrem amictum istius corporis, & indue
 me gloriosa veste immortalitatis. Anima mea in Dei
 præsentia tota colliquescit, quia fruitur sponso to-
 ties, & tam diu quæsito. Surge cœlestis Pater, exci-
 pe famentem & prodigum filium. Redit totus de-
 sedatus & macer ex longinqua regione, ubi pavit
 immunda animalia.

HUMILIATIONIS.

A S. Maria Nepte S. Abraami usurpat.

Heu me miserabilem ! heu me , quia protul-
 i templum Dei ! Eheu ! deturpavi ejus imaginem
 & rupi fœdus in baptismo initum, & vota mille
 vita facta ! Miseram me ! quæ propter vilissimam
 luptatulam averti oculos à Deo meo, & omne
 substantiam vendidi. Heu me ! quæ pessum dedi
 id, quod comparaveram per tot Sacramenta, &
 opera ! Quibus deinceps oculis cœlum adspiciam
 cum isti, quos habeo, toti contaminati sint ex alba
 malitiæ ? Quibus labiis, quâ linguâ supplicabo
 purissimæ Majestati, cum sint maculata & deturpa-
 ta tam fœdis culpis ? Ad Deum quali cum corde ad-
 dam ? quomodo loquar ? cum legem ejus contem-
 nim, cum promissa ei facta violârim, cum sim
 maculis in corpore, & in anima ! Heu me ! quomodo
 vertam ? ô si mors antè rapuisset, quàm talem ma-
 tiam committerem contra divinâ Majestatem ! Quomodo
 lacrymarum fons poterit eluere tot, & tantas ma-
 las ! à quantis bonis excidi ! in quanta mala inci-
 di ! *Convertite me ad te, ô Deus meus ! peccavi peccata mea
 agnosco in te viscera materna, etiâ erga eos qui me
 quæruunt. Nullum vulnus tantum est, quod tu curare
 non possis. Da mihi tempus & locum Pœnitentiae.
 Indigna sum tua misericordiâ, attrameneam mihi
 Sanctissimus Filius promeruit. Consequare per illius
 quod ex me non mereor. Parce, amantissime Pater
 propter id quod es, elue meas maculas sanguine
 SUI Christi. Sic, sic non invenietur in me fœditas,
 tibi displiceat. Hoc doleo, quod in me invenietur
 vestigium rei, quæ tibi displicet.*